

Արձանագրություն N 3

**<<ՀՀՔՊԿ-ԲՄԱՇՁԲ-18/2>> ծածկագրով Երևանի թիվ 22 հիմնական դպրոցի
հիմնանորոգման աշխատանքների ձեռքբերման գնման ընթացակարգի
գնահատող հանձնաժողովի նիստի**

ք. Երևան

23.08.2018թ.
Ժամը 12:30

Մասնակցում էին՝

Հանձնաժողովի նախագահ՝	Ա. Սարգսյանց
Հանձնաժողովի անդամներ՝	Ն. Մարտիրոսյան
	Ա. Քոչարյան
	Վ. Առաքելյան
Հանձնաժողովի քարտուղար՝	Տ. Վասիլյան
Բացակայում էր՝	
Հանձնաժողովի անդամ՝	Կ. Երիցյան

**1. <<ՀՀՔՊԿ-ԲՄԱՇՁԲ-18/2>> ծածկագրով գնման ընթացակարգի առաջին տեղ
զբաղեցրած մասնակցի կողմից որակավորման պահանջներին իր
համապատասխանությունը հիմնավորող փաստաթղթերը ներկայացնելու և ՀՀ ԿԱ
պետական եկամուտների կոմիտե ներկայացված հարցման մասին**

(Ա. Սարգսյանց)

1.1 Ընդունելի գիտություն, որ

ա) ՀՀ կառավարության 2017 թվականի մայիսի 4-ի N 526-Ն որոշմամբ հաստատված
<<Գնումների գործընթացի կազմակերպման>> կարգի (այսուհետ՝ Կարգ) 43-րդ կետի 3-րդ և 4-րդ
ենթակետերի համաձայն՝

- 03.07.2018թ. հարցում է ուղարկվել ՀՀ կառավարությանն առընթեր պետական
եկամուտների կոմիտե (այսուհետ՝ Կոմիտե) գնման ընթացակարգի 1-ին տեղ զբաղեցրած
մասնակցի՝ <<Գազկոմշին>> ՍՊԸ-ի (այսուհետ՝ Մասնակից) հայտը ներկայացնելու օրվա
դրությամբ հարկային մարմնի կողմից վերահսկվող եկամուտների գծով ժամկետանց
պարտավորությունների, ինչպես նաև հրավերով <<Ֆինանսական միջոցներ>> որակավորման
չափանիշի գնահատման համար սահմանված պայմանների առկայության վերաբերյալ: Կոմիտեի
կողմից սահմանված ժամկետում ստացվել է եզրակացություն համաձայն որի՝ Մասնակիցը հայտը
ներկայացնելու օրվա դրությամբ հարկային մարմնի կողմից վերահսկվող եկամուտների գծով չունի
ժամկետանց պարտավորություններ, ինչպես նաև <<Ֆինանսական միջոցներ>> որակավորման
չափանիշը համապատասխանում է հրավերով սահմանված պահանջներին:

- 03.07.2018թ. ծանուցվել է Մասնակցին ծանուցումն ուղարկելու օրվանից երեք
աշխատանքային օրվա ընթացքում ուղեկցող գրությամբ ՀՀ քաղաքաշինության կոմիտե
ներկայացնել հայտի ապահովման՝ բանկային երաշխիքի բնօրինակը և էլեկտրոնային փոստի
միջոցով ներկայացնել որակավորման չափանիշները հիմնավորող՝ հրավերով նախատեսված
փաստաթղթերը, որոնք Կարգի 32-րդ կետի 22-րդ ենթակետի համաձայն՝ պետք է
ուսումնասիրվեին փաստաթղթերը ներկայացնելու օրվանից հաշված մինչև տասն աշխատանքային
օրվա ընթացքում:

Մասնակցի կողմից սահմանված ժամկետում (09.07.2018թ. դրությամբ) ներկայացվել են հայտի ապահովման՝ բանկային երաշխիքի բնօրինակը և որակավորման չափանիշները հիմնավորող՝ հրավերով նախատեսված փաստաթղթերը:

բ) Ներկայացված փաստաթղթերի ուսումնասիրության արդյունքում արձանագրվել են անհամապատասխանություններ, որոնց մասին 19.07.2018թ. Կարգի 47-րդ կետի համաձայն ծանուցվել է Մասնակցին՝ առաջարկելով մեկ աշխատանքային օրվա ընթացքում շտկել դրանք:

Մասնակցի կողմից սահմանված ժամկետում (20.07.2018թ. դրությամբ) որպես անհամապատասխանությունների շտկում ներկայացվել են պահանջվող փաստաթղթերը, որոնց ուսումնասիրության արդյունքները ներկայացվում են ստորև.

Հ/Հ	Արձանագրված անհամապատասխանության նկարագրություն	Արձանագրված անհամապատասխանության ուղղում
1.	Մասնակիցը Հավելված 5.1-ով ներկայացրել է Բետոնամղիչ հատուկ (SCANIA P 380 CB, պ/հ 366 AL 61, 2010թ.), սակայն նշված չէ հրավերով պահանջվող գործարանային 50 մ երկարությամբ խողովակի առկայության մասին:	Մասնակիցը կրկին ներկայացրել է 01.02.2018թ. կնքված Ծառայությունների մատուցման (վարձակալության) պայմանագիրը՝ 1.1 կետում ավելացնելով <<գործարանային 50 մ երկարությամբ խողովակով>> արտահայտությունը, իսկ նույն պայմանագրի 7.1 կետով սահմանվում է, որ պայմանագրում ցանկացած փոփոխություն և լրացում վավեր է, եթե դրանք կատարված են գրավոր և ստորագրված են Կողմերի լիազոր ներկայացուցիչների կողմից:
2.	Հավելված 5.2-ում <<ՀՀՔՊԿ-ԲՄԱՇՁԲ-18/2 ծածկագրով բաց մրցույթի>> արտահայտության փոխարեն գրված է <<ՀՀՔՊԿ-ԲԸԱՇՁԲ-18/2 ծածկագրով բաց ընթացակարգի>> արտահայտությունը:	Հավելված 5.2-ում ընթացակարգի ծածկագիրը չի ուղղվել:
3.	Մասնակցի կողմից ներկայացվել է Հավելված 5.2-ում նշված աշխատակից Վաչագան Գևորգյանի կողմից 22.06.2018թ. ստորագրված համաձայնագիր (այսուհետ՝ Համաձայնագիր) առ այն, որ վերջինս համաձայն է ներգրավվել ՀՀ քաղաքաշինության կոմիտեի կողմից հայտարարված ՀՀՔՊԿ-ԲՄԱՇՁԲ-18/2 ծածկագրով բաց մրցույթի երևանի թիվ 22 հիմնական դպրոցի հիմնանորոգման աշխատանքներում: Նույն Վաչագան Գևորգյանը 18.07.2018թ. գնահատող հանձնաժողովին ներկայացրել է գրություն (կցվում է) այն մասին, որ Համաձայնագիրը ստորագրել է՝ տեղյակ չլինելով, որ մրցույթի հրավերով սահմանված է, որ ճարտարագետ-շինարար, քաղաքաշինության բնագավառում փորձագետ-կոնստրուկտորի որակավորում ունեցող մասնագետի ամենօրյա ներկայությունը շինհրապարակում պարտադիր պայման է: Հաշվի առնելով հրավերով սահմանված պահանջը՝ Վաչագան Գևորգյանը գնահատող հանձնաժողովին խնդրել է Համաձայնագիրը առջինն համարել: Անհրաժեշտ է ներկայացնել պարզաբանում Վաչագան Գևորգյանի գրության վերաբերյալ և ապահովել հրավերի 1-ին մասի 2.5 կետի 4-րդ ենթակետով սահմանված պահանջը:	Պատասխան գրությամբ Մասնակիցը չի պարզաբանել Վաչագան Գևորգյանի գրությունը՝ փոխարենը նշելով, որ վերջինս առողջական խնդիրների պատճառով չի կարող ամեն օր ներկա գտնվել շինհրապարակում: Հրավերի 1-ին մասի 2.5 կետի 4-րդ ենթակետով սահմանված պահանջը բավարարելու համար ներկայացվել է մեկ այլ աշխատակցի տվյալներ, որն ըստ Հավելված 5.2-ի հանդիսանում է <<Գազկոմշին>> ՍՊԸ-ի աշխատակից, իսկ ըստ ստորագրած համաձայնագրի՝ <<Սեյսմոտեխնիկա>> ՍՊԸ-ի փորձագետ-կոնստրուկտոր: Մինչև ժամանակ ներկայացված չէ հրավերով պահանջվող փորձագետ-կոնստրուկտորի որակավորումը հավաստող փաստաթղթի պատճենը:

4.	Բացակայում են Մասնակցի ներկայացրած 17.03.2017թ. կնքված N ԵԲ-ԲԸԱՇՁԲ-17/61 պայմանագրի մասով դուրս գրված երկկողմանի ստորագրված հարկային հաշիվները և պայմանագրի սահմանված ժամկետում կատարումը հավաստող ակտի (հանձման-ընդունման արձանագրություն և այլն) պատճենները կամ տվյալ պայմանագրի կատարումն ընդունած կողմի գրավոր հավաստման բնօրինակից արտատպված (սկանավորված) տարբերակը:	Մասնակցի կողմից ներկայացվել են երկկողմանի ստորագրված հարկային հաշիվները և աշխատանքների հանձման-ընդունման արձանագրությունները: Ըստ պայմանագրի 1.3 կետի՝ աշխատանքների 50%-ի (շուրջ 23 100 000 ՀՀ դրամ) կատարման ժամկետ է սահմանվում պայմանագրի ուժի մեջ մտնելուց հետո 75-րդ օրացուցային օրը, սակայն ըստ ներկայացված հանձման-ընդունման արձանագրությունների՝ սահմանված ժամկետում ներկայացվել են միայն 4 862 650 ՀՀ դրամի աշխատանքներ (21.05%): Նշված 50% աշխատանքների մնացած մասը՝ 18 237 350 (23 100 000 - 4 862 650) ՀՀ դրամի չափով կատարվել են սահմանված ժամկետի խախտումներով:
5.	Բացակայում են Մասնակցի ներկայացրած 17.11.2017թ. կնքված N ՀՀ ՈԿ ԳԸԱՇՁԲ-17/3 պայմանագրի 8.11 կետով նշված պայմանագրի անբաժանելի մաս հանդիսացող հավելվածներ 4-ի և 4.1-ի օրինակելի ձևերը:	Մասնակցի կողմից ներկայացվել են հավելվածներ 4-ի և 4.1-ի օրինակելի ձևերը:
6.	Բացակայում են Մասնակցի ներկայացրած 27.03.2017թ. կնքված N ՏՄ-ԲԸԱՇՁԲ-17/01 պայմանագրի սահմանված ժամկետում կատարումը հավաստող ակտի (հանձման-ընդունման արձանագրություն և այլն) պատճենները կամ տվյալ պայմանագրի կատարումն ընդունած կողմի գրավոր հավաստման բնօրինակից արտատպված (սկանավորված) տարբերակը:	Մասնակցի կողմից ներկայացվել է ավարտված շինարարական օբյեկտը շահագործման ընդունող հանձնաժողովի հաստատած ակտը:
7.	Մասնակցի ներկայացրած 25.02.2016թ. կնքված N ՀՀՀ-ԲԸԱՇՁԲ-16/2 ծածկագրով պայմանագրի մասով 28.04.2017թ. դուրս գրված Ա0507949701 հարկային հաշիվը հաստատված է միակողմանի:	Մասնակցի կողմից ներկայացվել է 28.04.2017թ. դուրս գրված Ա0507949701 հարկային հաշվի երկկողմանի հաստատած օրինակը:
8.	Բացակայում են Մասնակցի ներկայացրած 23.09.2016թ. կնքված ենթակապալի պայմանագրի 6.3 կետում նշված նախագծանախահաշվային փաստաթղթերը, ինչպես նաև պայմանագրի 02.11.2016թ. կնքված փոփոխություն N 1-ով նախատեսված ավելացված գումարի մասով կատարվելիք աշխատանքների ծավալաթերթ-նախահաշիվը:	Մասնակցի կողմից ներկայացված Ծավալաթերթ-նախահաշվից չի երևում, որ այն հանդիսանում է 23.09.2016թ. կնքված ենթակապալի պայմանագրի նախագծանախահաշվային փաստաթուղթը: Ներկայացված փոփոխված ծավալների վերաբերյալ ծավալաթերթ-նախահաշվից չի երևում, որ այն հանդիսանում է պայմանագրի 02.11.2016թ. կնքված փոփոխություն N 1-ով նախատեսված ավելացված գումարի մասով կատարվելիք աշխատանքների ծավալաթերթ-նախահաշիվը, քանի որ վերջինիս վրա նշված է մեկ այլ պայմանագրի ծածկագիր:

1.2 <<Գնումների մասին>> ՀՀ օրենքի (այսուհետ՝ Օրենք) 6-րդ հոդվածի 3-րդ կետի համաձայն՝ Մասնակիցը պետք է բավարարի հրավերով սահմանված որակավորման չափանիշներին: Մասնակիցը պետք է ունենա կնքվելիք պայմանագրով նախատեսված պարտավորությունների կատարման համար հրավերով պահանջվող՝

- 1) մասնագիտական փորձառություն,
- 2) տեխնիկական միջոցներ,
- 3) ֆինանսական միջոցներ,
- 4) աշխատանքային ռեսուրսներ:

1.3 Ուսումնասիրության արդյունքների վերաբերյալ ներկայացված աղյուսակի

- 1-ին կետի համաձայն՝ մասնակիցը չի համապատասխանում <<Կրեխնիկական միջոցներ>> որակավորման չափանիշին,

- 3-րդ կետի համաձայն՝ մասնակիցը չի համապատասխանում <<աշխատանքային ռեսուրսներ>> որակավորման չափանիշին,

- 4-րդ և 8-րդ կետերի համաձայն՝ նշված պայմանագրերը (N ԵԲ-ԲԸԱՇՁԲ-17/61 - 48 713 986 ՀՀ դրամ (ներառյալ 26.11.2017թ. կնքված Համաձայնագիր N2-ով ավելացված 2 514 070 ՀՀ դրամ) և Ենթակապալի պայմանագիր - 71 633 670 ՀՀ դրամ) չեն կարող գնահատվել որպես նախկինում պատշաճ կատարված պայմանագրեր: Մնացած պայմանագրերի շրջանակներում կատարված աշխատանքների ծավալը գումարային արտահայտությամբ չի բավարարում Կարգի 61-րդ կետի 1-ին ենթակետով սահմանվող հիսուն տոկոսի պահանջը, քանի որ Մասնակցի գնային առաջարկը 584 400 000 ՀՀ դրամ է, իսկ հրավերի պահանջներին բավարարող N ՀՀ ՈԿ ԳՀԱՇՁԲ-17/3, N SU-ԲԸԱՇՁԲ-17/01 և N ՀՀՀ-ԲԸԱՇՁԲ-16/2 պայմանագրերի ընդհանուր գումարը կազմում է 212 063 381.3 ՀՀ դրամ (30 229 319.9+20 400 006+161 434 055.4):

Ներկայացված պայմանագրերի շրջանակներում Մասնակիցը չի համապատասխանում <<մասնագիտական փորձառություն>> որակավորման չափանիշին:

1.4 Կարգի 48-րդ կետի 2-րդ ենթակետի և գնահատման թերթիկների համաձայն՝ գնահատող հանձնաժողովը որոշում է Մասնակցի հայտը մերժել և փաստաթղթեր ներկայացնելու պահանջ ներկայացնել հաջորդաբար տեղ զբաղեցրած մասնակցին:

Ընդունվել է որոշում՝ կողմ – 4, դեմ – 0:

2. Կոմիտե ներկայացված հարցման և հաջորդաբար տեղ զբաղեցրած մասնակցի կողմից որակավորման պահանջներին իր համապատասխանությունը հիմնավորող փաստաթղթերը ներկայացնելու մասին

(Ա. Սարգսյանց)

2.1 Ընդունելի գիտություն, որ

ա) Կարգի 43-րդ կետի 3-րդ և 4-րդ ենթակետերի համաձայն՝

- 24.07.2018թ. հարցում է ուղարկվել Կոմիտե գնման ընթացակարգի հաջորդաբար տեղ զբաղեցրած մասնակցի՝ <<Սնար>> ՍՊԸ-ի և <<Թիվ 1 Շինվարչություն>> ԲԲԸ-ի կոնսորցիումի (այսուհետ՝ Կոնսորցիում) հայտը ներկայացնելու օրվա դրությամբ հարկային մարմնի կողմից վերահսկվող եկամուտների գծով ժամկետանց պարտավորությունների, ինչպես նաև հրավերով <<Ֆինանսական միջոցներ>> որակավորման չափանիշի գնահատման համար սահմանված պայմանների առկայության վերաբերյալ: Կոմիտեի կողմից սահմանված ժամկետում ստացվել է եզրակացություն համաձայն որի՝ Կոնսորցիումը հայտը ներկայացնելու օրվա դրությամբ հարկային մարմնի կողմից վերահսկվող եկամուտների գծով չունի ժամկետանց պարտավորություններ, ինչպես նաև <<Ֆինանսական միջոցներ>> որակավորման չափանիշը համապատասխանում է հրավերով սահմանված պահանջներին:

- 24.07.2018թ. ծանուցվել է Կոնսորցիումին ծանուցումն ուղարկելու օրվանից երեք աշխատանքային օրվա ընթացքում ուղեկցող գրությամբ ՀՀ քաղաքաշինության կոմիտե ներկայացնել հայտի ապահովման՝ բանկային երաշխիքի բնօրինակը և էլեկտրոնային փոստի միջոցով ներկայացնել որակավորման չափանիշները հիմնավորող՝ հրավերով նախատեսված փաստաթղթերը, որոնք Կարգի 32-րդ կետի 22-րդ ենթակետի համաձայն՝ պետք է ուսումնասիրվեին փաստաթղթերը ներկայացնելու օրվանից հաշված մինչև տասն աշխատանքային օրվա ընթացքում:

Մասնակցի կողմից սահմանված ժամկետում ներկայացվել են (25.07.2018թ. դրությամբ) հայտի ապահովման՝ բանկային երաշխիքի բնօրինակը և (26.07.2018թ. դրությամբ) որակավորման չափանիշները հիմնավորող՝ հրավերով նախատեսված փաստաթղթերը:

բ) Ներկայացված փաստաթղթերի ուսումնասիրության արդյունքում արձանագրվել են հետևյալ անհամապատասխանությունները,

1) Հավելված 5.1-ում նշված չէ 1-ին ինքնաթափի մակնիշը, 2-րդ ինքնաթափի մակնիշը և արտադրության տարեթիվը, ինչպես նաև նշված չէ բետոնամղիչի արտադրության տարեթիվը և հրավերով պահանջվող գործարանային 50 մ երկարությամբ խողովակի առկայության մասին:

2) Հավելված 5.2-ի աղյուսակով ներկայացված 1-ին աշխատակցի <<որակավորումը>> և աշխատանքային փորձի <<ժամանակահատվածը>> սյունակներում լրացված տեղեկությունները չեն համապատասխանում հրավերով սահմանված պահանջներին:

3) Բացակայում են ներկայացված 22.12.2014թ. կնքված ՀՀ/Դ-2/14 կապալի պայմանագրի 3.1 կետում նշված կողմերի համաձայնությամբ հաստատված նախահաշիվը (հավելված թիվ 1-ը), 14.07.2015թ. կնքված համաձայնագրում նշված թիվ 1.2 և 2.1 հավելվածները, 06.04.2016թ. կնքված համաձայնագրում նշված 1.3 և 2.2 հավելվածները և 23.08.2016թ. կնքված համաձայնագրում նշված 1.4 հավելվածը, իսկ պայմանագրի 4.3.2 կետում նշված Աշխատանքների կատարման ժամանակացույցը (հավելված թիվ 2-ը)՝ հաստատված է միակողմանի:

Նույն պայմանագրի շրջանակներում ներկայացված 1, 4, 5, 6, 7 ակտերը կնքված չեն պատվիրատուի կողմից:

գ) Կարգի 47-րդ կետի համաձայն՝ արձանագրված անհամապատասխանությունների մասին 31.07.2018թ. ծանուցվել է Կոնսորցիումին՝ առաջարկելով մեկ աշխատանքային օրվա ընթացքում շտկել դրանք:

Կոնսորցիումի կողմից սահմանված ժամկետում (31.07.2018թ. դրությամբ) շտկվել են արձանագրված անհամապատասխանությունները:

Ընդունվել է որոշում՝ կողմ – 4, դեմ – 0:

3. <<ՀՀՔՊԿ-ԲՄԱՇՁԲ-18/2>> ծածկագրով գնման գործընթացը կասեցնելու և հանձնաժողովի նիստը տեղափոխելու մասին

(Ա. Սարգսյանց)

3.1 Հիմք ընդունելով ՀՀ գնումների հետ կապված բողոքներ քննող անձի կողմից 01.08.2018թ. ներկայացված գրությունը (<<Գազկոմշին>> ՍՊԸ-ի բողոքի վերաբերյալ) և ղեկավարվելով <<Գնումների մասին>> ՀՀ օրենքի 51-րդ հոդվածի 1-ին կետով՝ գնահատող հանձնաժողովը 01.08.2018թ. նիստի արդյունքում որոշել է կասեցնել գնման գործընթացը, չեղյալ համարել հաջորդաբար տեղ զբաղեցրած մասնակցի կողմից որակավորման չափանիշները հիմնավորող փաստաթղթերում առկա անհամապատասխանությունների ուղղումը գնահատելու համար նշանակված նիստի օրվա (02.08.2018թ.) մասին N 3-3 արձանագրության 2-րդ կետով ընդունված որոշումը և հաջորդ նիստը հրավիրել բողոքի քննության արդյունքներով ընդունված որոշման ուժի մեջ մտնելու օրվան հաջորդող օրը:

Ընդունվել է որոշում՝ կողմ – 4, դեմ – 0:

4. <<ՀՀՔՊԿ-ԲՄԱՇՁԲ-18/2>> ծածկագրով գնման ընթացակարգի հանձնաժողովի նիստը տեղափոխելու մասին

(Ա. Սարգսյանց)

4.1 Հաշվի առնելով, որ բողոքներ քննող անձի որոշումը ուժի մեջ է մտել 23.08.2018թ.՝ հանձնաժողովը որոշում է <<ՀՀՔՊԿ-ԲՄԱՇՁԲ-18/2>> ծածկագրով գնման ընթացակարգի 01.08.2018թ. N 3-4 արձանագրության 1.1 կետից հանել <<օրվան հաջորդող>> բառերը:

Ընդունվել է որոշում՝ կողմ – 4, դեմ – 0:

5. <<ՀՀՔՊԿ-ԲՄԱՇՁԲ-18/2>> ծածկագրով գնման ընթացակարգի հայտերի գնահատման արդյունքների հաստատման մասին

(Ա. Սարգսյանց)

5.1 Հիմք ընդունելով բողոքներ քննող անձի կողմից հրապարակված որոշումը (<<Գազկոմշին>> ՍՊԸ-ի բողոքը մերժելու մասին) և Կարգի 48-րդ կետի 1-ին ենթակետը՝ գնահատող հանձնաժողովը որոշեց հաստատել գնման ընթացակարգի մասնակիցների հայտերի գնահատման արդյունքները և ընտրված մասնակից ճանաչել <<Սնար>> ՍՊԸ-ի և <<Թիվ 1 Շինվարչություն>> ԲԲԸ-ի կոնսորցիումին:

Ընդունվել է որոշում՝ կողմ – 4, դեմ – 0:

6. Պետական գնման պայմանագիր կնքելու որոշում ընդունելու մասին

(Ա. Սարգսյանց)

6.1 Հիմք ընդունելով սույն արձանագրության 3-րդ կետով ընդունված որոշումը, ինչպես նաև Օրենքի 36-րդ հոդվածի 1-ին և 2-րդ կետերը՝ պայմանագրի կնքելու առաջարկ ներկայացնել սույն արձանագրության 5.1 կետում նշված մասնակցին:

Ընդունվել է որոշում՝ կողմ – 4, դեմ – 0:

7. Գնահատող հանձնաժողովի հաջորդ նիստի անցկացման օրը, ժամը և վայրը հաստատելու մասին

(Ա. Սարգսյանց)

7.1 Հանձնաժողովի հաջորդ նիստը հրավիրել պետական գնման պայմանագիր կնքելու օրվան հաջորդող աշխատանքային օրը << քաղաքաշինության կոմիտե ք. Երևան, Հանրապետության հրապարակ, կառավարական տուն 3, IV հարկ հասցեում:

Ընդունվել է որոշում՝ կողմ – 4, դեմ – 0:

Հանձնաժողովի

Նախագահ՝

Անդամ՝

Արձանագրությունը կազմեց
հանձնաժողովի քարտուղար՝

Ա. Սարգսյանց

Ն. Սարգսյան

Ա. Քոչարյան

Վ. Առաքելյան

Տ. Վասիլյան

